

مشتاق

صراط

۱۳۲۶

مطبعه و محل اداره :

جفال اوغلنده امنیت
صندوغی جوارنده
شنکول یقوشنده
۲۷ نومرو

اظطار :

مسلكمزه موافق آثار
جدیده مع الممنونیه
قبول اولنور

درج ایدلمه یین آثار اعاده اولنماز

دیه ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و شئونه اسلامیه دینیه و ابرو و هفتده بر نشر اولنور .

آبونه بدلی

صاحب و مؤسسلری :

درسعادتده نسخه سی ۵۰ پاره در

ابوالعلا زین العابدین - ح . اشرف ادیب

تاریخ تأسیسی

قیرله دن مقوا بورو ایله کوندریلیرسه سنوی

۲۰ غروش فضله آلنیر

۱۰ تموز ۳۲۴

سنه لکی	التی آیلنی	غروش
ممالک عثمانیه ایچون	۶۵	۳۵
روسیه	۶۵	۳۵
سائر ممالک اجنبیه	۱۷	۹

آلتیجی جلد

۴ جمادی الآخره پنجشنبه ۱۹ مایس ۳۲۷

عدد : ۱۴۳

محبت لایق اولان انجق اودر ، بشقه شلرك اصلا قیمتی ، اهمیتی یوقدر .

خلاصه کلام «مالبرانش» بتون حقایق و کالانی ، کائناتده تجلی ایدن فیض حیاتی جناب حق ذاتنده بولیور . وبوصورتله «مستیسیم» دنیان مسلك تصوفده قرار قیلیور . مابعدی وار

فرید

سلامت مدینت

ایکنجی وجیهه

عائله نك اصلاح مادیسی

عائله نك اصلاح اخلاقیسی الزم اولدینی حقنده سویلدیکمز سوزلر اصلاح مادیسی حقندهده تمامیه وارددر . زیرا انسانک هر شیدن اول حس ایتدیکی ضرورت کندی موجودیتی محافظه قید ضروریسیدر . انسان بو حاجتی کرکی کی تأمین ایتدیکه نفسنده اخلاقی ، معنوی هیچ بر وظیفه آرقه سنده قوشمق ایچون بر سائق حس ایتمز . حقیقت ، افرادی صحت بدنیله رینی ، قوای عقلیه و جسمانیله رینی محافظه ایدجک تمیز بر غذا بوله مایان ؛ کندیلرینی قارلره ، یاغمورلره صوغوقلره ، صیجاقلره قارشى باریندیره حق یورددر ، که جکدن محروم اولان بر عائله نك حالى نه اولور ؟ طبیعی سفالت ، وحشت درکه لرینک اک مده شنه دوشه جک بویه بر عائله افرادینه ضرورت ، احتیاج بر چوق فناقلری ، بر چوق جنایتلری مباح شکلنده کوستر . زیرا احتیاج بوتون اخلاقسزلقلرك آناسیدر . بو بویه اولدینی کی حیات مدنیته نك اقتضا ایتدیکی تخصیصی ، تربیه یی ویره بیلمک ایچون اولادینی مکتبلره کوندره مین ، ایستدیکی مرینک دست کفایتنه تودیع ایدمین بر بابانک افراد عائله سی ایچون یالکمز پیسه جک غذا ، که جک لباسی ، بارینه حق اوتدارک ایتمش اولسی نه یه یارار ؟

شو پک حقلی مطالعه لردن آشکار صورتده آکلاشیلمیورمی که عائله دنیلن شی بول بول صرف ایده بیان بر ریسه محتاجدر ، بر عائله بابانک قدرتسزلکی اوائله یی سفالتک ، حرمانک اک مده ش درکه لرینه قدر ایندبرر ؟

أوت . ذاتاً بزم پک سمیح اولان شریعت اسلامیه من بوکی دساتیر منیه یی اولجه وضع ایتشددر :

عليه الصلوة والسلام افندیمنز « جناب حق کندیسنه مال ویردیکی حالده عائله سنی صیقینی ایچنده براقان آدم بزدن دکلددر . — بر آدمک اوینه ، قاریسنه ، اولادینه ، خدمتکارلرینه صرف ایتدیکی مال کندیسنی ایچون صدقه یرینه کچر . » بویوریورلر . آرتق عائله یه قارشى فداکارلغه تشویق ایچون بوندن بویوک سوز اوله ماز .

هله بزم شریعت عادله مزك نظرنده عائله نك نه بویوک بر موقعی ،

عائله یه قارشى ایدیلجک فداکارلک نه عظیم تأثیری اولدیغنی شو حدیث شریف قدر کوستره جک هیچ بردستور اوله ماز : « دیناراً انفقته فی سبیل الله و دیناراً انفقته فی رقة و دیناراً تصدقت به علی مسکین و دیناراً انفقته علی اهلك اعظمها اجرأ لذی انفقته علی اهلك — بر دینار الله یولده ، بر دینار رقه اوغورنده صرف ایتسهک ؛ بر دینار فقیره تصدق ایتسهک ؛ بر دینارده عائلهک ایچون خرج ایتسهک اک ثوابلیسی عائلهک ایچون صرف ایلدیکیکدر . »

أوت ، مسلمانلق بزه هیچ بر زمان زهادت نامنه قالقوبده نفسی بوتون مناعمدن منع ایتک ؛ معیشتی آله ییلدیکنه قیصرق نتیجه سنده بوتون تهذیب اخلاقی بی اشکال ایده جک ، انسانلری بیزار ایدوب — بر چوق ملنلرده کورولدیکی وجهله — بوسبتون دین قیدندن وارسته براقه حق بر حرکتده بولمقله اصلا امر ایتدکدن باشقه بالعکس معیشتیزی بولنه قویمه یی امر ایلمش ، حق بو اوغورده چالیشمه یی کندیسندن بر جزء عدايتشددر . علیه الصلوة والسلام افندیمنز : « ان من فقه الرجل استصلاح معیشته و ليس من حب الدنيا طلب ما یصلحک » بویوریور . لکن الله صنعتی ، مداراشتعالی اوله حق تجارتی اولمقدجه بر آدم معیشتی اصلاحه فصل مقتدر اوله بیلیر ؟ دیمک شیمدی بزم ایچون سعی و عملک مسلمانلق نظرنده کی موقعی بیلدیرمک ایجاب ایدیور . تا که ادیان انسانلری چالیشمقدن تنفیرایدن طرزنده کی ادعالرك نه قدر باطل اولدینی میدانه چیقسون [بوراده مؤلف فریدوجسی بك افندی حضر تلی « نظر اسلامده سعی و عملک موقعی » عنوانیه بر مبحث یازیورلر که عینی مبحث سعدی بك طرفدن ترجمه ایدیلرک صراط مستقیمک ۱۱ نجی نسخه سیله نشر اولدینی ایچون اورایه مراجعت بیورملرینی محترم قارئلریمزدن رجا ایدرز .]

محمد عاکف

مدنیت اسلامیه دن بر صحیفه

یاخود

نسر نسوانه

کچن نسخه دن مابعد

« اذلة علی المؤمنین » جمله جلیله سنده کی « اذلة » نظم علویسی ظن اولونمسن ، که معنای حقیقیسی اوزرینه شرفوارددر ؛ اکر حقیقی اوزرینه اولسه مابعدنده کی :

« اعزة علی الکافرين »

ده کی (اعزة) ايله تناقض لازم کلیر . تعالی کلام الله عن ذلك . بلکه بو ذلندن — الله اعلم — مراد : اخوان دینه نهایت درجه محبت و عاطفتدر . اهل ایمانک سلامت و سعادت اوزرینه بلا تردد ثولمک ، فدای جان ایتکدر ، که بوکا لسان مدنیت (!) ده

(Nationalisme)

« ملیت پرورلک »

دینیر . بر ملتک حیاتی ، آنی تشکیل ایدن افرادک ملیت دویفوسندن ،